



公孙无名档案

姓名:林雄  
生日:8月31日  
现属中国最具代表性BBOY比赛天下布舞(原演舞会)成员  
中国资深街舞艺人之一  
中国舞蹈家协会街舞委员会-广西副会长  
中国国家队成员代表




## 公孙:“舞”功全能,生活多彩

讲起公孙无名,大家都知道他最叻将每个舞蹈动作做到极致。之前他就靠节目“喊话”张艺兴,话自己係“全能”舞者,然后show出一系列令人目瞪口呆花式动作:刷头风车变体、速度切换、单手定格等等。睇到屏幕内外喊人,都臣服于他嘅“舞”技之下。作为一个BBOY,公孙无名好擅长对身体控制同开发,但会成日用嘅“大招”唔係好多,但每次都可以即兴取材,用小细节打动人心。而且佢对待“舞蹈”呢件事概念度劲认真,但话作为舞者首先係要积极咁去练跳舞,保持对呢件事专注,然后热爱同积极咁去运用佢,做到知行合一就最掂啦! 公孙无名觉得,自己嘅人生係因为街舞变得有意义嘅,有咗呢个目标,生活就多姿多彩,so happy!

东公鸡,南公孙:  
怪才震舞林

睇《这!就是街舞》第三季上,霹雳毒鸡同公孙无名曾以“东公鸡,南公孙”为噱头组成“限定组合”,打造致敬《少林足球》嘅舞台表演,惊艳全场。小鸡嘅即兴才、创意点满满,公孙无名全能开挂,两位“舞”林怪才,都深得街舞队长赏识……等Color带大家一起漫步“舞”林,睇佢哋点样搵到舞蹈balance,跳出真自我!

郭玮/文 受访者提供/图



## “毒鸡”:霹雳“放毒”,点中笑穴

“霹雳毒鸡”係一个“被搞笑耽误舞者”,但嘅幽默机智係刻进DNA里的成分。除咗乐感好,舞蹈节奏感强,佢仲好兴将自己突发奇想嘅创意,加入到自己嘅舞台表演中。譬如赤脚表演《我的地盘》,各式高难度动作不在话下,最惊喜佢佢用脚趾诠释“滑步”,笑到队长王一博好似俾人点咗穴咁,围观嘅其他学员都纷纷拍手叫好。仲有佢“叫嚣”一博嘅嘅句“Don't say so much.”,真係唔洗讲太多,俾个眼神你就稳稳咁表达咗,但内心对舞蹈嘅自信与热情。小鸡虽然中意开玩笑,但今次佢嚟到羊城创意园,以裁判身份参加CBC街舞冠军总决赛时,就将自己调为正经模式,希望大家可以将自己生活中观察到嘅元素,加入舞蹈之中,show出令人出其不意嘅想法。



霹雳毒鸡档案

姓名:林森  
生日:8月19日  
福建泉州【精舞门】主理人  
《这!就是街舞》第三季人气成员  
抖音【霹雳毒鸡】原创红人  
2017DragonStyle周年团队冠军



## 潮咖星球 IN 羊城



潮咖们的聚集地,往往会成为城市热门的打卡地。近年嚟,睇广州有越来越多专业嘅街舞基地、Skate Spot、潮流的创意园区,为潮人同好埋堆玩提供丰富嘅活动空间。热闹都係潮人嘅? 唔係嘅,就算你唔识玩,呢啲地方嘅养眼程度都好高,可以打卡嘅!

陈祉伶/文 曾敏妍、受访者提供/图




## 滑板公园:诗和远方都要有

滑板即可以炫技,造型又够chok,近年越来越多人钟意玩。现在广州多了很多口袋公园,只要有开阔的平地,都容易见到“板仔”。

琶洲大桥南侧桥底嘅“半室内滑板场”,是个宝藏Spot,唔惊日晒雨淋,又唔怕影响到行人交通,吸引咗好多滑板爱好者聚集。呢个滑板公园专门设置咗好多玩滑板嘅基础设施,无论你係新手上路,定係“老司机”飙车,呢度都可以搵到适合你嘅赛道;桥墩装饰咗好多freestyle涂鸦作品,“潮”嘅氛围感瞬间拉满。而旁边就係有轨电车同珠江,当夜幕降临,桥底的灯光自带舞台滤镜,滑板穿梭嘅光影之间,神秘又带有动感,远处背景係火树银花嘅珠江新城,诗和远方嘅美好都可以get。

市区最为有历史的“滑板公园”,要数中山三路的英雄广场。呢度胜在地方够开阔,地面又够平整,好适合新仔用来练手;两边亦有些坡度弧度,适合练习花式,如果遇到世界滑板日呢种活动,仲会有滑手齐聚庆祝、比赛,毕竟广州最早期的板仔店都聚集在这边的。



## 潮流基地:潮流cos传统

街舞有节奏与律动,滑板嘅速度与激情,涂鸦可以玩个性……潮流文化形式多箩箩,如果想一次过玩下,粤港澳大湾区街舞潮流文化中心,就实啱你! 整体规划面积有成1500平方米咁大,包括街舞艺术基地、滑板体验基地、涂鸦创作基地以及先锋DJ体验空间等板块,一半是半开放的空间,不少潮人平时都会过来玩。这里还会不时举办讲座、实践体验同埋舞台展示,全方位感受街舞、说唱、涂鸦、DJ、滑板、潮玩、潮牌、跨界艺术、表演艺术等唔同潮流文化,仲有机会见到佢哋与非遗等传统文化相融合的新玩法。



## 创意园:潮玩不设限

潮流从来不设限,玩法更加无定义,只要你想就可以投入爱。呢个时候各种创意园就应运而生啦! 位于棠下智汇PARK创意园内嘅滑板场,麻雀虽小,五脏俱全,斜面抛台、U型池等设施有齐晒! 园内有处处可见色彩缤纷嘅涂鸦、潮酷嘅铁网同滑板元素道具,氛围感爆棚! 羊城创意产业园里传统和潮流元素都有,不少墙上有动漫的大型涂鸦,不同风格的演出以及汇集潮流文化元素的嘉年华活动,都会在园内出没,前排就连“大湾区哥哥”都忙里偷闲,溜到羊创打咗个靓卡!

